

نؤيد سيادتك لفترة جديدة ،،، نكمل خلالها المسيرة السعيدة ..أحمد فؤاد نجم



الخميس 1 يناير 2004 12:01 م

26/10/2009

* أحمد فؤاد نجم :

نؤيد سيادتك لفترة جديدة
نكمل خلالها المسيرة السعيدة
و بالمرّة فيها نبيع الحديد
مفيش حاجة تانية نبيعها خلاص
نؤيد سيادتك لأجل المزيد
من اللّي تحقّق بفصلك أكيد
بقينا خلاص ع الحميد المجيد
و ربك لوحدّه فى ايده الخلاص

نباع سيادته ولا حد غيره
كفايا علينا نبرطع فى خير
و نوم شعب مصر العظيمة و شخيره
يقول للحرامي ما تسرق كمان
نباع سيادته وابنه وحفيده
مفيش زي فكره قديمه و جديده
خرابك يا مالطة حيصل بايده
ومين فيكي يعني يبسمع أذان
نبوس ايد سيادتك و رجلك كمان
تخليك معانا يا ريس عشان
وجودك ضرورة فرضها الزمان
و من غير وجودك حقيقي نضيع
دي مصر بتاعتك و احنا ضيوفك
كفايا علينا يا ريس نشوفك
و عاذرين سيادتك و فاهمين ظروفك
عليك بس تؤمر و احنا نطبع
فى جزمة سيادتك كلابك بيوسوا
و فوق الغلابة بجزمهم يدوسوا
و شعبك ليلاتي يا ريس غموسه
مذلة و مهانة و حوجة و مر
لكن يعني ما دمتنا شعب انتساب
و دايعا وأبدا فى حالة غياب
متعملش لينا يا ريس حساب
دي عزبة سيادتك و فيها أنت حر

و دستور ما دستورشى مش فارقة خالص
كلام فاضي كله يا فندم بناقص
كفايا علينا الفساد اللي ماصص
عرقنا و معشش و ضارب جذوره
و ايه يعني تهري جتتنا البلاوي
يوماتي كوارث، فضايح، رشاي
كفايا علينا القعاد في القهاوي
بنستنى لما الوريث يجي دوره

شاعر مصري